

TABULA 132.

GALIUM INCURVUM.

GALIUM foliis octonis linearibus glabris aristatis deflexis incurvis, caule paniculato, corollâ obtusâ muticâ.

In montibus Sphacioticis Cretae.  $\mathcal{A}$ .

*Radix* sublignosa, ramosa, multiceps. *Caules* spithamæi, adscendentes, quadranguli; infernè subsimplices, sæpè pubescentes, densiusque foliosi; supernè glaberrimi, paniculato-ramosi, multiflori. *Folia* octona, patentissima, recurva, linearia, breviuscula, obtusiuscula cum exiguo mucrone albido, scarioso; integerrima, revoluta, glabra; infima breviora, latiora, magisque deflexa, marcescentia, interdùm subvillosa. *Panicula* trichotoma, lævis, erecta, multiflora. *Bractææ* oppositæ, breves, aristatæ; summæ solitariae, diminutæ. *Pedicelli* sursùm incrassati, angulati, nudi. *Flores* tristè ac pallidè lutescentes. *Calyx* nullus. *Corolla* planiuscula, laciniis ovatis, obtusis, muticis. *Stamina* petalo duplò breviora, filiformia, recurva. *Antheræ* atro-purpureæ, breves, versatiles. *Germen* subrotundo-didymum, glaberrimum. *Stylus* ad basin usque divisus, divaricatus.

A *Galio* vero Linnæi, *Curt. Lond. fasc. 6. t. 13*, differt paniculâ laxiore, floribus longè pallidioribus, foliis brevioribus, glabrioribus, recurvis, formâ totius plantæ humiliori.

a, A. Flos, magnitudine naturali et auctâ. B. Germen seorsim, cum stylo.

\*\* *Fructu scabro.*

TABULA 133.

GALIUM VERRUCOSUM.

GALIUM foliis senis lanceolatis margine antrorsùm aculeatis, pedunculis axillaribus trifloris, fructu verrucoso nutante.

G. verrucosum. *Engl. Bot. t. 2173.*

G. tricorne. *Don. Herb. Brit. fasc. 5. 103.*

Valantia Aparine. *Lin. Sp. Pl. 1491. Schrad. Spicil. 55. t. 1. f. 3.*

Aparine semine coriandri saccharati. *Tourn. Inst. 114. Vaill. Paris. t. 4. f. 3, b.*

A. minor saxatilis, verrucoso semine. *Cupan. Panph. v. 1. t. 21.*

*Απρην* Diosc.

In arvis Græciæ frequens.  $\odot$ .